

INUIT ATAQATIGIIT INATSIARTUNI



UPA 2024/61

16.05.24

Timersornermik aallutaqartut timersornikkut aaqqissuussani peqataanerminni sulinikkut isertitassaraluaminnik annaasaqartarnerat qanoq matusserneqartarsinnaanersoq pillugu apeqquteqaat aallaavigalugu oqallisissiaq.

(Inatsisartunut ilaasorta Peter Olsen, Inuit Ataqatigiit)

Oqaaseqaat:

Inuit Ataqatigiit isumaqarpugut timersorneq tassaasoq inuiaqatigiit timikkut tarnikkullu peqqissuunissaannut aammalu suli peqqinnerulernissaannut tunngavissisooq.

Tamatta nalunngilarput timersorneq ataatsimuulersitsisartoq. Nunanut allanut unammisartugut isikkammik arsartuugaluarpata, assammik arsartuugaluarpatur timersuutilluunniit allaappata nunatsinni unammiffiit ulikkaarlugit tapersersueqatigiittartugut; nunatsinni suminggaaneernigut, sumi sulinigut, qanoq isumaqarnigut apeqqutaatinnagit ataatsimoorfigilertarpagut.

Nunanut allanut unammisartut ukiorpassuarni tunnisimallutik pilliuteqangaarlutillu sungiusartareerlutik Nunarput sinnerlugu takutitsillualeraangata meerarpassuit timersuutitut soqutiginnilerlutik timersoqatigiiffinnut ilannguttarput.

Taakkuninngalu tiguisut tassaasarpur kajumissutsimik sungiusaasut, allatigullu timersoqatigiiffiit ingerlanissaannut suleqataasut. Inuit Ataqatigiinniit maluginiarparput Naalackersuisut oqariartuutigigaat timersorneq suli kivinnerussagutsigu unammisartuinnaat uani oqallinnermi isigisinnaanngikkigut; aammali sungiusaasut, ikiortaasut ilaalu ilanngullugit aamma eqqarsaatigisariaqarigut.

Maluginiarparputtaaq Naalackersuisut oqariartuutigigaat timersornerup aningaasalersorneqarnera annersusinnaagaluartoq; timersornerullu aningaasalersorneqarnera Inatsisartut aalajangigassarigaat.

Taamaamat Inuit Ataqatigiinniit isumaqarpugut timersornerup siuariartortuartup suli siuariartornissamat tunngavissinnissaanut Inatsisartunit partiit ilaasortaataqartut ataatsimoorlutik isumaqatigiissuteqarnissamat imminnut pisussaaffilertariaqartut.

Timersorneq eqqartortillugu avaqqunneqarsinnaanngitsoq tassaasoq inuit innarluutillik timersornermut periarfissaqarnissaat, Inuit Ataqatigiit isumaqarpur. Tassanimi aamma suliaasaqarpugut; tassami nunani allani takusarpagut inuit assigiinngitsutigut innarluutillik timersornissamat periarfissagissaartuusut. Ilami allaat unammiaarnerit angisuut pisarput.

Inuit Ataqtigiinniit isumaqarpugut timersorerup suli aningaasalersorerunissaanut oqallinneq kiisalu partiit isumaqtigiinniarnissaannut uku isiginiarlugit tunngavigineqartariaqartut:

- Inoqarfinni tamani timersorneq pinaveersaartitsisuuvoq
- Timersorneq inoqarfinni aammalu nunatut ataatsimuulersitsisarpoq
- Timersorneq timikkut tarnikkullu peqqinnerulersitsisarpoq
- Timersoqtigiiffiit ingerlanissaannut suleqataasut; sungiusaasut ikiortsit il. il. unammisartutulli pingaaruteqartigipput aaqqissuussinermilu aamma isiginiarneqartariaqartut.
- Inuit innarluutillik timersonerup silarsuaanut pulanissaanut aqqutissat pitsaasut pilersinneqartariaqartut avaqqunneqassanngitsut.

Taamak oqaaseqarluta siunnersuuteqartoq qutsavigaarput oqallinnissamullu qilanaarluta.

Qujanaq.